

# 第一處：菩提場

(一會)

本體	佛	世間淨眼品
	法	如來現相品（部分）
	僧	普賢三昧品（部分）
力用	佛	世界成就品（部分）
	法	華藏世界品（部分）
	僧	盧舍那佛品





華嚴經世間淨眼品		
佛		如來依涅槃十波羅蜜顯相莊嚴(見附1-1)
法		如來座前上首菩薩成就因緣(見附1-2)
依 自 性 十 波 羅 蜜 起 法 界 淨 行 (僧)	因緣	三十三類圍遶眾及往昔因緣(見附1-3)
	起清淨行圍遶 依十波羅蜜	於一切眾生悉行平等，無量妙色皆已成就；於十力中能善安住，處一切眾而不傾動，隨所至方無能壞者，如來所乘常現在前。離煩惱障，其心清淨，諸結使山皆已摧滅，觀佛姿顏，無量妙色光明普照。
		所以者何？如來往昔於無量劫行菩薩道時，以四攝法善攝眾生。於諸如來集諸善根，種種因緣，方便教化立如來道，深植無量如來善根，皆令安立一切智道；逮得無量功德勢力，皆悉成就如來願海。菩薩所行具足清淨，各隨本行，皆得出要，悉由如來光明照故；乘解脫力入如來海，於佛法門悉得自在。
	圍遶眾說偈	圍遶眾所得法門及各上首眾說偈(見附1-4)
		普賢菩薩得十解脫門及普賢菩薩說偈(見附1-5)
		座內十普菩薩所得法門及上首菩薩說偈(見附1-6，缺文)
		座外十別菩薩所得法門及上首菩薩說偈(見附1-7，缺文)
		如來座上十莊嚴具菩薩說偈(見附1-8)
	華藏世界海依正莊嚴	爾時，佛神力故，蓮華藏莊嚴世界海，六種十八相震動。所謂：動、遍動、等遍動；起、遍起、等遍起；覺、遍覺、等遍覺；震、遍震、等遍震；吼、遍吼、等遍吼；涌、遍涌、等遍涌。又令一切世界諸王，各雨不可思議諸供養具，供養如來大眾海會；所謂：
		雨一切香華雲、
		眾妙寶雲、
		雜寶蓮華雲、
		無量色寶曼陀羅雲、
		解脫寶雲、
		碎末栴檀香雲、
		清淨柔軟聲雲、
		寶網日雲，
		各隨其力雨眾供養，如是等一一世界諸王，設不可思議諸供養雲，普供一切如來大眾；如此世界設眾供養，一切十方諸佛國土亦復如是。
		此世界中佛坐道場，世界諸王各隨所樂境界三昧諸方便門，歡喜厭離、通達諸方勇猛之法，如來境界神力所入，諸佛無量法海之門，皆已得度；如此世界，十方一切世界，亦復如是。

\*依八十華嚴相應段落對比缺文，六十華嚴缺文眾多，為保持經文流暢，不復標出，下同。

## 附1-1：華嚴經世間淨眼品之如來依十波羅蜜顯相莊嚴

經首	如是我聞，一時，佛在摩竭提國寂滅道場始成正覺。
羅依如 蜜自來 起性果 依涅槃 報地 顯十成 現波就	其地金剛具足嚴淨，眾寶雜華以為莊飾，上妙寶輪圓滿清淨，無量妙色種種莊嚴，猶如大海寶幢幡蓋光明照耀；妙香華鬘，周匝圍遶，七寶羅網彌覆其上，雨無盡寶顯現自在，諸雜寶樹華葉光茂。
	佛神力故，令此場地廣博嚴淨，光明普照，一切奇特妙寶積聚。無量善根莊嚴道場，其菩提樹高顯殊特，清淨瑠璃以為其幹，妙寶枝條莊嚴清淨，寶葉垂布猶如重雲。雜色寶華間錯其間，如意摩尼以為其果，樹光普照十方世界，種種現化施作佛事，不可盡極，普現大乘菩薩道教。
	佛神力故；常出一切眾妙之音，讚揚如來無量功德，不可思議；師子之座，猶如大海，眾妙寶華而為嚴飾，流光如雲，周遍普照無數菩薩大海之藏，大音遠震，不可思議。
	如來光明逾摩尼尊，彌覆其上，種種變化施作佛事，一切悉觀無所罣礙；於一念頃，一切現化充滿法界。如來妙藏無不遍至無量眾寶莊嚴寶臺。
成菩 就薩 坐十 於波 道羅 場蜜	如來處此寶師子座，（不離涅槃十波羅蜜故）
	於一切法成最正覺，了三世法平等智身，普入一切世間之身，妙音遍至一切世界，不可窮盡，猶如虛空，平等法相智慧行處；猶如虛空，等心隨順一切眾生。
	其身遍坐一切道場，悉知一切眾生所行，智慧日光照除眾冥，悉能顯現諸佛國土。普放三世智海光明照淨境界，無量光明充滿十方，不壞法雲遍覆一切。
	以力無畏顯現無量自在力光，開方便門教化眾生，悉能普現一切眾會。猶如虛空，而無來去。了達一切無有自性，隨順諸法平等之相。一切光明普現三世諸佛所行諸佛世界，猶如大海，不可思議，音聲語言悉能隨順。

（返回第1頁）

\*此經首即如來涅槃十波羅蜜及菩薩十波羅蜜所顯現境界。坐蓮華座者，即菩薩十波羅蜜成就總不離涅槃十波羅蜜成就而入法界也。

## 附1-2：華嚴經世間淨眼品之如來座前上首菩薩成就因緣之一

上 如 來 座 前 上 首 菩 薩		與十佛世界微塵數等大菩薩俱，其名曰：
	妙覺十普	普賢菩薩、普德智光菩薩、普明師子菩薩、普勝寶光菩薩、普德海幢菩薩、普慧光照菩薩、普寶華幢菩薩、普勝軟音菩薩、普淨德焰菩薩、普相光明菩薩、
	等覺十別	大光海月菩薩、雲音海藏菩薩、德寶勝月菩薩、淨慧光焰自在王菩薩、超趣華光菩薩、無量智雲日光菩薩、大力精進金剛菩薩、香焰光幢菩薩、月德妙音菩薩、光明尊德菩薩，……。
		與如是等諸菩薩俱。
上 首 菩 薩 成 就 因 緣	佛	皆是盧舍那佛宿世善友；一切成就功德大海，諸波羅蜜周滿普照，
	法	慧眼清淨，等觀三世，於諸三昧具足明淨；
	僧	辯才大海深廣無盡，普現諸佛功德光耀；
	精進	善知一切眾生心行，如應調伏，以金剛智普照境界；
	禪定	同一法性，覺慧廣大，甚深智境，靡不明達，住於一地，普攝一切諸地功德，無上智願皆已成滿，具足如來深廣密教，
	般若	悉得一切佛所共法，皆同如來行地、德力，一切三昧海門皆得自在，
	方便	於眾生海如應示現，隨其所行，善能建立。
	願	善入一切諸法之海，迴轉總持如來一切功德法海，充滿其身；
	力	遍遊一切佛世界海，出生一切淨土願海，悉得諸佛達未來際方便智慧；
	智	一切如來坐道場者，普能往詣禮事供養，悉得一切普賢願海，於諸眾生智身滿足。

## 附1-2：華嚴經世間淨眼品之如來座前上首菩薩成就因緣之二

十方智	妙覺(座內十普)	等覺(座外十別)
東	普賢菩薩、	大光海月菩薩、
南	普德智光菩薩、	雲音海藏菩薩、
西	普明師子菩薩、	德寶勝月菩薩、
北	普勝寶光菩薩、	淨慧光焰自在王菩薩、
東北	普德海幢菩薩、	超趣華光菩薩、
東南	普慧光照菩薩、	無量智雲日光菩薩、
西南	普寶華幢菩薩、	大力精進金剛菩薩、
西北	普勝軟音菩薩、	香焰光幢菩薩、
下	普淨德焰菩薩、	月德妙音菩薩、
上	普相光明菩薩、	光明尊德菩薩、

### 如來座前十普妙覺菩薩及十別等覺菩薩

光明尊德菩薩				
香焰光幢菩薩	淨慧光焰自在王菩薩			超趣華光菩薩
		普相光明菩薩		
德寶勝月菩薩	普勝軟音菩薩	普勝寶光菩薩	普德海幢菩薩	大光海月菩薩
	普明師子菩薩	如來本體	普賢菩薩	
	普寶華幢菩薩	普德智光菩薩	普慧光照菩薩	
大力精進 金剛菩薩		普淨德焰菩薩		無量智雲 日光菩薩
	雲音海藏菩薩			
月德妙音菩薩				

(返回第1頁)

\*此十上首菩薩本體即十波羅蜜，所顯力用依於十方，體用和合即成十方菩薩成就。下皆類此。

附1-3：華嚴經世間淨眼品菩提場會如來三十三類圍遶眾之一

金剛神	復有佛世界微塵數金剛力士，其名曰：堅固光耀力士、日光耀力士、須彌華力士、淨雲音力士、阿修羅主力士、勝光明力士、樹音聲力士、師子王力士、淳厚光藏力士、珠髻華光力士，與如是等諸力士俱，已於阿僧祇劫發大誓願，侍衛諸佛。佛願行處皆已具足，無量功德皆已清淨，悉行深廣三昧境界，無量神力，佛所遊處無不遍至，皆悉能行不可思議解脫境界，處一切眾，其身殊特無能映蔽，隨諸眾生所應度者，能現其身如應化之。
道場神	復有佛世界微塵數諸道場神，其名曰：淨莊嚴神、寶積光明神、吼音聲神、雨眾華神、莊嚴寶光神、善超香神、金色雲神、樂華樹神、莊嚴光神，與如是等道場神俱，皆於先佛造立願行。
龍神	復與佛世界微塵數諸龍神俱，其名曰：摩尼光龍、雜莊嚴龍、喜寶光龍、淨身光龍、香莊嚴龍、寶目光龍，如是一切，皆於過去不可思議阿僧祇劫，常為如來莊嚴法堂。
地神	復與佛世界微塵數諸地神俱，其名曰：淨華光神、善思光明神、雜華莊嚴神、散寶焰神、隨時樂觀神、金眼勝神、毛孔散香神、應時和音神，如是一切，皆同德本，於過去佛所普修願行。
樹神	復與不可思議諸樹神俱，其名曰：雜華雲神、雜種光神、淨勝光神、垂莊嚴神、莊嚴光神、樂和音神、普勝等神、華果味神，如是一切，皆悉成就大喜普照。
藥草神	復與無邊藥草神俱，其名曰：光焰神、栴檀香神、淨光神，普稱神、普力神、普淨神、普光神、愛香神、勝現神，如是一切，皆悉成就大悲普照。
穀神	復與無量諸穀神俱，其名曰：勝味神、華淨神、善力神、勢味神、根果神、淨華神、樂淨神、淨光神，如是一切，大喜成就。
河神	復與無量諸河神俱，其名曰：普流神、勝洄渇神、洪流聲神、養水性神、淨海光神、普愛神、妙幢神、勝水神、海具光神，如是一切，常能精勤利益眾生。
海神	復與不可思議諸海神俱，其名曰：寶勝光明神、金剛慧神、普涌浪神、雜華龍勝神、寶華光明神、須彌莊嚴神、海音聲神，如是一切，以佛無量功德之海而自充滿。
火神	復與無量阿僧祇諸火神俱，其名曰：熾然光藏神、熾然光輪神、廣明耀神、無盡神、雜寶勝神、照除諸冥神、焰雲光明神，如是一切，悉為眾生照除闇冥。
風神	復與無量諸風神俱，其名曰：無礙照明虛空神、遍超勝神、散須彌神、焰淨味神、淨除味神、發行大音神、樹峯華林神、持世界神，如是一切，皆能和合眾生，令不散。
虛空神	復與無邊虛空神俱，其名曰：普光淨勝神、無邊深廣神、起風神、離一切障神、廣超神、無對光焰神、無礙力勝神、最上妙音神、示現十方神，如是一切，心皆無垢，堅固淨妙。
主方神	復與無量主方神俱，其名曰：善住神、充滿神、無量現光神、光莊嚴神、普轉漸行神、不惑轉神、淨遊虛空神、普行世間神、行甚深神，如是一切，皆能善照一切眾生。
主夜神	復與無量主夜神俱，其名曰：妙光神、淨光神、善觀眾生神、靜時堅固神、方便勝具神、生一切樹果神、無盡眷屬神、主知樂淨遊戲神、和諍神、淨福具神，如是一切，於助道法深重愛樂。

附1-3：華嚴經世間淨眼品菩提場會如來三十三類圍遶眾之二

主晝神	復與無量主晝神俱，其名曰：現宮殿神、善解安立戰場神、樂莊嚴普勝神、喜華香神、普集勝藥神、樂見王神、淨目高顯普勝神、大悲豔光神、光明善照神、普勝垂華神，如是一切，皆悉信樂正法莊嚴。
阿修羅	復與無量阿修羅神俱，其名曰：羅睺羅王、毘摩質多羅王、睽婆利王、明月王、金剛堅錦王、大智慧力王、勝集天女王，如是一切，悉能降伏憍慢放逸。
伽留羅	復與無量伽留羅王俱，其名曰：大勇猛力王、無畏寶髻王、勇猛淨眼王、不退莊嚴王、持大海光王、持法堅固王、勝根光明王、充滿普現王、普遊諸方王、普眼等觀王，如是一切，成就方便，廣潤眾生。
緊那羅	復與無量緊那羅王俱，其名曰：善慧王、善幢王、雜華行王、離愛慢音王、寶樹光明王、善愛現王、莊嚴光王、善華幢王、勝地王、勝慧王，如是一切，普於眾生精勤勸發，能使樂法。
摩睺羅伽	復與無量摩睺羅伽王俱，其名曰：善慧王、淨端嚴音王、眾妙慧聚王、燈幢王、猛光王、師子香熏王、雜瑠璃音王、堅固樂明王，如是一切，普為眾生除諸疑網。
鳩槃荼	復與無量鳩槃荼王俱，其名曰：毘樓勒王、善修幢王、足平鮮白王、能除恐怖王、淨須彌林王、無量淨眼王、無量目門王，如是一切，皆悉修習無礙法門。
鬼神王	復與無量鬼神王俱，其名曰：毘沙門王、大音聲王、淨地王、大主王、焰眼王、堅固眼王、莊嚴勝軍王、大富淨身王、須彌力王，如是一切，普能勤護一切眾生。
月天子	復與無量月身天子俱，其名曰：月天子、曜華天子、勝流莊嚴天子、樂諸世樂天子、眼光天子、淨光天子、普遊淨光天子、星宿王天子、淨覺天子、端嚴善光天子，如是一切，勤以智慧普發眾生無上寶心。
日天子	復與無量日天子俱，其名曰：日天子、眼焰光天子、須彌光勝天子、淨寶眼天子、勇猛不退天子、妙華鬘光天子、寶覺天子、明眼天子、勝地童天子、普勝光天子，如是一切，皆悉成就清淨善根，常欲饒益一切眾生。
三十三天	復與無量三十三天王俱，其名曰：釋提桓因天王、普稱滿天王、髻目天王、寶光稱天王、樂喜天王、樂念天王、勝音天王、淨華天王，如是一切，皆悉具足清淨善業，能令眾生淨妙處。
夜摩天	復與無量夜摩天王俱，其名曰：善時天王、無盡智天王、妙善化天王、樂樂焰天王、須彌光天王、不思議慧天王、臍輪天王、不思議天王、月姿顏天王、普莊嚴天王，如是一切，皆悉勤修出生歡喜，信樂知足。
兜率天	復與無量兜率天王俱，其名曰：善喜天王、海樂天王、勝德天王、百光明天王、善眼天王、寶山月天王、超勇月天王、金剛善曜天王、樂超天王，如是一切，皆悉成就念佛三昧。
化樂天	復與不可思議化樂天王俱，其名曰：善化天王、淨光天王、最上雲音天王、妙色莊嚴天王、樂智慧天王、華光月天王、照方天王，如是一切，皆悉成就寂靜法門，調伏眾生。
他化自在天	復與無量他化自在天王俱，其名曰：自在轉天王、善眼天王、雜寶冠天王、精進慧天王、眾華音天王、樂光明天王、寂靜處天王、雜色輪天王、智慧妙光天王、大力光天王，如是一切，普皆勤修自在正法。



### 附1-3：華嚴經世間淨眼品菩提場會如來三十三類圍遶眾之三

大梵天	復與不可思議大梵天俱，其名曰：尸棄大梵、智光大梵、善光大梵、普音大梵、隨世音大梵、寂靜方便妙光大梵、淨眼光大梵、柔軟音大梵，如是一切，悉具大慈，度脫眾生，照除熱惱清涼柔軟。
光音天	復與無量光音天子俱，其名曰：樂光天子、淨光天子、大音天子、樂淨音天子、善思音天子、解脫音天子、深妙音天子、無垢光天子、最高淨光天子，如是一切，安住喜光寂靜法門。
遍淨天	復與阿僧祇遍淨天俱，其名曰：淨智王天、現勝天、寂勝天、須彌時天、念淨眼天、無上愛光天、世慧音天、智慧熾然天、樂法化心天、化高天，如是一切，常令眾生安住廣樂。
果實天	復與無量果實天子俱，其名曰：法華光天、淨堅固天、慧光天、智慧王天、普門慧眼天、不轉愛天、無垢靜光天、淨曜天，如是一切，皆悉善住寂靜意門。
摩醯首羅天	復與摩醯首羅天等無量淨居天俱，其名曰：善光天、大主天、大稱光天、功德淨眼天、大智慧光天、不動光音天、善施眼天、樂大乘天、普音聲天、樂稱光天，如是一切，已修無相平等法界，悉在如來大眾海數。

(返回第1頁)

附1-4：華嚴經世間淨眼品之圍遶眾所得法門及說偈之一

類別	十方	圍遶別眾	所得法門
摩醯首羅天等淨居天	東	善海摩醯首羅天，	於法界虛空寂靜方便光明法門，而得自在；
	南	大自在稱光明天，	於一切法普遊法門，而得自在；
	西	功德淨眼天，	於一切法不生不滅方便法門，而得自在；
	北	大慧光天，	於一切法方便智海遊光法門，而得自在；
	東北	靜光音天，	於一切禪無量喜樂普起法門，而得自在；
	東南	施善眼天，	於轉癡畏遊靜法門，而得自在；
	西南	不思議天，	於無量境界入不起法門，而得自在；
	西北	樂大乘天，	於一切法不來不去無所依住法門，而得自在；
	下	普雜音天，	於佛境界寂靜法門，而得自在；
	上	樂稱光天，	於無量境界法門，而得自在。
上首說頌		爾時善光海大自在天，以如來神力故，觀察一切自在天眾，以偈頌曰：	
上首眾所說偈讚	佛	無盡平等妙法界，悉皆充滿如來身，無取無起永寂滅，為一切歸故出世。	
	法	諸佛法王出世間，能立無上正教法，如來境界無邊際，世間自在稱無上。	
	僧	佛難思議無倫匹，相好光明照十方，大聖世尊正教道，猶如淨眼觀明珠。	
	精進	一切世間眾生類，不能思議佛功德，消滅一切愚癡闇，超昇無上智慧臺。	
	禪定	如來功德難思議，眾生見者煩惱滅，得見不動自在尊，能生無量悅樂心。	
	般若	眾生大海癡蔽心，為現寂靜微妙法，能然無上智慧燈，是則方便真淨眼。	
	方便	如來清淨妙色身，悉能顯現遍十方，此身非有無所依，如是見佛真實觀。	
	願	如來音聲無罣礙，應受化者無不聞，湛然不動無往返，是名善慧樂法門。	
	力	一切十方無邊佛，寂靜法門天人主，如來光明靡不照，是莊嚴幢妙法門。	
	智	佛於無邊諸劫海，常求正覺悟眾生，無量方便化一切，清淨廣稱如是見。	
類別	十方	圍遶別眾	所得法門
果實天	東	復有樂業光明天王，	於觀一切眾生諸根法雲法門，而得自在；
	南	淨堅固天，	於一切佛妙色方便念觀法門，而得自在；
	西		
	北		
	東北	樂樂天王，	於一毛孔見不思議諸佛國土境界法門，而得自在；
	東南	普門慧眼天，	於入普門觀察法界法門，而得自在；
	西南	不轉愛天，	於轉一切眾生處處受生法門，而得自在；
	西北	善慧光天，	於入一切世間境界不可思議法門，而得自在；
	下	無垢淨光天，	於一切眾生一切法中出要法門，而得自在；
	上	無垢光天，	於受化者能使入佛境界法門，而得自在。

## 附1-4：華嚴經世間淨眼品之圍遶眾所得法門及說偈之二

上首說頌		爾時，樂業光明天王承佛神力，觀察一切果實天眾，以偈頌曰：	
上首眾所說偈讚	佛	一切佛境界，甚深難思議，諸餘眾生類，莫能測量者。	
	法	如來善開導，無量諸群生，能令悉願樂，志求無上道。	
	僧	佛以神通力，住世普開化，一切眾生類，各隨其所聞，	
		癡惑障永除，慧命淨無穢，能觀諸如來，眾妙淨法海。	
	精進	諸法真實相，寂滅無所依，如來方便力，能為眾生現。	
	禪定	如來於諸法，無性無所依，而能現眾像，顯相猶明燈。	
		以諸緣譬喻，方便隨所樂，為現諸如來，智慧神通力。	
	般若	因悟各異門，無量難思議，為建正法幢，令入功德海。	
		如來神通力，能於一毛孔，各為眾演說，無上寂滅法。	
	方便	一一諸如來，各為其眷屬，顯法無量門，功德之大海，	
		皆悉師子吼，演說諸佛法，是則大智尊，無上方便力。	
		十方諸佛土，一切群生類，悉能為彼現，如來之正法。	
	願	如來未曾有，去來之異相，皆令彼歡喜，不退慧境界。	
		如來為眾生，普現業報相，猶若日光照，眾像靡不現。	
	力	又為彼眾生，演說寂滅法，令彼見真實，甚深智慧處。	
		如來自觀察，甚深微妙義，隨彼眾生根，普雨甘露法。	
	智	為開諸法門，無量難思議，悉歸入寂滅，平等真實觀。	
		無數無量劫，廣修習大悲，逮成等正覺，度脫群生類。	
		普雨甘露法，隨器皆充滿，如龍興慶雲，等雨於一切。	
類別	十方	圍遶別眾	所得法門
遍淨天王	東	復有淨智天王，	於觀察眾生善根法門，而得自在；
	南	顯妙天王，	於一切有覺照法門，而得自在；
	西	勝妙天王，	於總持辯才法門，而得自在；
	北		
	東北		
	東南	普燈天王，	於樂佛出世解脫法門，而得自在；
	西南		
	西北	智焰天王，	於一切眾生甚深法中能生歡喜法門，而得自在；
	下	樂化天王，	於化菩薩功德周備入無盡法門，而得自在；
	上	踊化天王，	於普觀無量苦惱眾生慈悲智滿法門，而得自在。

\*此六十華嚴偈頌之譯文，對比八十華嚴，義雖相同，風格迥異，今為保持兩譯文之參照便利，偈頌結構仍依八十華嚴劃分之法，故多有參差，請詳審辨明，下同。

附1-4：華嚴經世間淨眼品之圍遶眾所得法門及說偈之三

上首說頌		爾時，淨智天王承佛神力，普觀遍淨天眾，以偈頌曰：	
上首眾所說偈讚	佛	諸佛正法無障礙，周滿十方無量界，現佛境界難思議，離垢法門無量海。	
	法	如來處世無所依，法身清淨無起滅，而能照現無量土，一切悉見天中天。	
	僧	無量劫海修方便，光明普照十方界，清淨法界如如住，寂滅微妙最無上。	
	精進	眾生愚癡瞽心目，無眼輪迴生死中，如來導以清淨道，開示無上最勝門。	
	禪定	如來所乘無上道，一切眾生莫能思，佛現一切妙色門，善念樂觀淨眼見。	
	般若	佛說微妙總持門，如一切刹微塵等，調伏一切眾生故，清淨慧眼能照見。	
	方便	如來出世甚難值，無量億劫時一遇，離諸難處適眾會，唯佛世尊能應時。	
	願	一切眾生難思議，佛能悉現淨妙法，觀見如來無量德，猶如明照見眾像。	
	力	三世諸佛所得法，教化眾生難思議，悉觀念此功德已，樂法踊躍大歡喜。	
		眾生沒在煩惱海，愚癡邪濁大恐怖，佛以慈悲究竟度，見淨境界如天幢。	
	智	佛放無量大光明，一一光明無量佛，無數方便皆悉現，化度一切眾生類。	
類別	十方	圍遶別眾	所得法門
光音天	東	復有愛樂天子，	於寂靜愛樂滅眾生苦法門，而得自在；
	南	妙雜光天，	於諸眾生心淨離垢廣修德海法門，而得自在；
	西	自在音天，	於一切眾生一劫所修功德於一念中出生法門，而得自在；
	北	勝念智天，	於世間生、住、滅種種清淨功德法門，而得自在；
	東北	淨樂音天，	於一切菩薩在兜率宮廣說供養法門，而得自在；
	東南	善思音天，	於一劫中說諸地義以一念頃悉能受說法門，而得自在；
	西南	解脫光音天，	於莊嚴道場法門，而得自在；
	西北	甚深音天，	於無盡神足諸功德海法門，而得自在；
	下	離垢稱天，	於一切佛諸功德海境界法門，而得自在；
	上	出淨光天，	於過去諸佛願力所持歡喜功德力藏法門，而得自在。
上首說頌		爾時，光音天子承佛神力，遍觀光音天眾，以偈頌曰：	
上首眾所說偈讚	佛	我憶如來過去行，我行供養亦憶念，如本所修清淨喜，佛光明故今悉見。	
	法	如來無垢莊嚴身，增長眾生清淨心，安住慈悲喜捨中，是名莊嚴淨法門。	
	僧	如來廣大方便法，無量劫海所修集，彼生滅法如如相，法主音聲方便門。	
	精進	如來神力遍十方，普照無量諸佛刹，十方諸佛皆悉現，勝念方便滅愚癡。	
	禪定	無量刹海塵數佛，供養恭敬生歡喜，故能斷除群生闇，是名妙音勝境界。	
	般若	無量劫海甚彌曠，說方便地無倫匹，所演妙法無窮盡，心方便門得自在。	
	方便	如來無量自在力，於念念中普示現，降神成道權無量，是則名為妙法門。	
	願	佛持深廣無與等，神足示現不可量，能令諸根悉清淨，得住甚深微妙地。	
	力	如來智慧無邊際，行淨無比無罣礙，普見一切兩足尊，無上離垢稱方便。	
	智	於過去世菩薩時，供養無量諸佛海，立大誓願難思議，是故逮得無上智。	

附1-4：華嚴經世間淨眼品之圍遶眾所得法門及說偈之四

類別	十方	圍遶別眾	所得法門
大梵天	東	復有尸棄大梵天，	於照現諸法入不思議法門，而得自在；
	南	智光明梵，	於一切禪等觀寂靜善住法門，而得自在；
	西	智光心梵，	於照諸法不可思議入方便法門，而得自在；
	北	普音雲梵，	於一切佛妙音聲海平等度入法門，而得自在；
	東北	應時音梵，	於攝伏眾生最勝法門，而得自在；
	東南	寂靜光梵，	於一切剎能起安住分別諸法法門，而得自在；
	西南	喜光梵，	於無量方便化眾生法門，而得自在；
	西北	堅固梵，	於諸法淨相住寂行法門，而得自在；
	下	樂目光梵，	於一切有無來無去無所依止勇猛法門，而得自在；
	上	柔軟音梵，	於無盡法隨行普照法門，而得自在。
上首說頌		爾時，尸棄大梵承佛神力，遍觀一切諸大梵眾，以偈頌曰：	
上首眾所說偈讚	佛	佛身清淨常寂然，普照十方諸世界，寂滅無相無照現，見佛身相如浮雲。	
	法	一切眾生莫能測，如來法身禪境界，無量方便難思議，是智慧光照法門。	
	僧	一佛剎塵諸法海，一音演說悉無餘，此辯塵劫演不盡，是名光照心法門。	
	精進	如來妙音深滿足，眾生隨類悉得解，一切皆謂同其語，梵音普至最無上。	
	禪定	十方三世佛所得，一切菩薩方便行，悉於如來身中現，而於佛身無分別。	
	般若		
	方便	佛身如空不可盡，無相無礙普示現，所可應現如幻化，神變淨音靡不周。	
	願		
	力	佛身無邊如虛空，智光淨音亦如是，佛於諸法無障礙，猶如月光照一切。	
	智	法王安住妙法堂，法身光明無不照，法性如實無異相，是名樂音海法門。	
類別	十方	圍遶別眾	所得法門
自在天王	東	復有自在天王，	於教化無量眾生藏法門，而得自在；
	南	善眼光天，	令諸眾生得最上樂法門，而得自在；
	西	雜寶冠天，	於解眾生無量性欲方便法門，而得自在；
	北	精進善慧天，	於眾生分別義法門，而得自在；
	東北	勇妙雜音天，	於諸眾生慈念觀察法門，而得自在；
	東南	光明樂幢天，	於諸眾生超出魔事法門，而得自在；
	西南	淨境界天，	於諸眾生念化法門，而得自在；
	西北	雜色輪天，	於念充滿十方諸佛法門，而得自在；
	下	智華妙光天，	於佛功德自在覺悟充滿念隨順法門，而得自在；
	上	大力光天，	於離世間境界法門，而得自在。

# 附1-4：華嚴經世間淨眼品之圍遶眾所得法門及說偈之五

上首說頌		爾時，自在天王承佛神力，遍觀一切自在天眾，以偈頌曰：	
上首眾所說偈讚	佛	如來法身等法界，普應眾生悉對現，如來法王化眾生，隨順諸法悉調伏。	
	法	世間一切上妙樂，聖寂滅樂為最勝，無垢妙法如來室，清淨勝眼如實見。	
	僧	如來普照諸世間，疑地枯林降法雨，眾生蒙潤疑網除，是寶冠幢妙法門。	
	精進	如來所演一妙音，廣大法海說無餘，佛以一音遍十方，是名勝勇善法門。	
	禪定	一切十方諸佛土，入佛一毛猶不滿，佛以大慈如虛空，是名清淨慧法門。	
	般若	一切眾生慢高山，佛以十力碎無餘，佛慈光明照十方，是名光幢妙法門。	
	方便	得觀如來滅癡惑，淨見智慧悉充滿，永離惡趣諸恐怖，是名寂境妙法門。	
	願	如來毛孔悉放光，隨其所應得聞法，普導眾生至善趣，是名善幢妙法門。	
	力	一切十方諸佛事，此眾一切悉得見，如來法界滿虛空，是名淨華勝法門。	
	智	無量劫海諸佛國，皆是最勝慧境界，如來於此無高心，是大力幢妙法門。	
類別	十方	圍遶別眾	所得法門
善化天	東	復有善化天王，	於一切法分別化法門，而得自在；
	南	靜光時天，	於觀一切有及我真實法門，而得自在；
	西	化力光天，	於諸眾生離癡智慧滿足法門，而得自在；
	北	難勝天，	於諸佛音聲發起一切歡喜勇猛法門，而得自在；
	東北	念光天，	於一切佛相好功德具足無盡法門，而得自在；
	東南	踊雲音天，	於淨智慧次第憶念過去無量劫法門，而得自在；
	西南	淨光勝天，	於一切眾生長養種種功德智慧法門，而得自在；
	西北	樂光髻天，	於一切空界結跏趺坐無礙法門，而得自在；
	下	樂智慧天，	於一切方便境界無盡力法門，而得自在；
	上	華光髻天，	於諸眾生業行苦樂等觀法門，而得自在。
上首說頌		爾時，善化天王承佛神力，遍觀化樂天眾，以偈頌曰：	
上首眾所說偈讚	佛	法身於世難思議，如來普現應眾生，緣性無造非真實，行業莊嚴現世間。	
	法	方便求佛無所有，攬之十方不可得，法身示現無真實，出生自在如是見。	
	僧	無量劫海修諸行，斷除眾生愚癡冥，如來智慧甚清淨，是名佛慧除癡力。	
	精進	一切世界妙音聲，悉無能及如來音，一音遠震遍十方，是名勝音妙法門。	
	禪定	一切眾生諸功德，不及如來一相福，佛德如空無邊際，是名生光妙法門。	
	般若	三世無量劫中事，世界成敗種種相，於一毛孔悉能現，是名清淨無上智。	
	方便	求空邊際猶可得，佛一毛孔無涯限，佛德如是不思議，是名如來淨知見。	
	願	佛於先世無量劫，具滿一切波羅蜜，勤修精進無厭怠，是名樂見淨法門。	
	力	行業因緣難思議，佛為眾生說無餘，普現諸法淨無穢，是名無上深法門。	
	智	觀見如來一毛孔，一切眾生悉入中，眾生亦無往來想，是名諸方照法門。	

附1-4：華嚴經世間淨眼品之圍遶眾所得法門及說偈之六

類別	十方	圍遶別眾	所得法門
兜率天	東	復有兜率天王，	於成就諸佛轉法輪法門，而得自在；
	南	樂寶髻天，	於虛空界淨光法門，而得自在；
	西	勝幢天，	於廣願海入諸眾生寂靜法門，而得自在；
	北	百光明天，	於一切法無量無相觀行法門，而得自在；
	東北		
	東南	超踊月天，	於佛境界超踊覺力法門，而得自在；
	西南		
	西北	勝眼光天，	於喜修集不可沮壞菩提心法門，而得自在；
	下	宿莊嚴天，	於諸十方佛調伏眾生方便法門，而得自在；
	上	樂靜妙天，	於無邊心海念念迴向隨器普現法門，而得自在。
上首說頌		爾時，兜率天王承佛神力，遍觀兜率天眾，以偈頌曰：	
上首眾所說偈讚	佛	如來普周等法界，為垢眾生出現世，隨諸所欲為說法，是名無上勝法王。	
	法	如來宿世無量行，清淨願海具足滿，一切諸法悉周備，是名方便勝功德。	
	僧		
	精進	如來法身不思議，法界法性辯亦然，光明普照一切法，寂靜諸法皆悉現。	
	禪定	眾生癡闇結業障，高心放逸馳境界，如來為說寂滅法，歡喜善樂悉能見。	
	般若		
	方便	一切世間最上歸，救護群生除眾苦，眾生樂觀無上尊，猶如滿月顯高山。	
	願	諸佛境界不思議，一切法界亦如是，於諸法力悉究竟，定慧方便皆成就。	
	力	清淨境界功德海，一切眾生有緣者，聞佛功德發菩提，消除塵垢成最勝。	
	智	如世界海微塵數，諸佛子等悉來集，供養如來聽受法，悉觀法幢方便王。	
類別	十方	圍遶別眾	所得法門
夜摩天	東	復有夜摩天王，	於諸眾生離憂迴向善根法門，而得自在；
	南	悅樂光天，	於諸境界法門，而得自在；
	西	無盡慧天，	於離諸患具大慈悲法門，而得自在；
	北	淨莊嚴天，	於分別諸根法門，而得自在；
	東北	持須彌天，	於無量總持照明法門，而得自在；
	東南	不思議慧天，	於諸境界業行真實不思議法門，而得自在；
	西南	臍輪天，	於轉法輪調伏眾生法門，而得自在；
	西北	不思議光天，	於眾生界勝眼普觀法門，而得自在；
	下	月姿顏天，	於諸法實普現法門，而得自在；
	上	普音遍觀天，	於諸天眾所應施作心淨法門，而得自在。

# 附1-4：華嚴經世間淨眼品之圍遶眾所得法門及說偈之七

上首說頌		爾時，夜摩天王承佛神力，遍觀夜摩天眾，以偈頌曰：	
上首眾所說偈讚	佛	佛於無量大劫海，生死煩惱永已盡，能教眾生清淨道，佛為一切智慧燈。	
	法	如來法身甚彌曠，周遍十方無涯際，智慧光明方便力，寂滅禪樂亦無邊。	
	僧	生老病死憂悲苦，毒害逼切惱眾生，為斯等類起慈悲，以無盡智示菩提。	
	精進		
	禪定	如來智慧隨順覺，了達三世無障礙，一切善行悉了知，是名樂化明法門。	
	般若	無量總持無邊際，如來辯海無窮盡，能轉清淨妙法輪，是名須彌總持門。	
	方便	無上大聖一妙身，應化周滿一切世，悉現一切眾生前，是名善光勝境界。	
	願		
	力	眾生一見如來身，悉能斷除眾煩惱，遠離一切諸魔事，是名清淨妙境界。	
	智	佛於一切大眾海，處此眾會悉遍照，普為眾生雨法雨，是名普音稱法門。	
類別	十方	圍遶別眾	所得法門
三十三天	東	復有釋提桓因，	於三世佛出興住滅決定大智念喜法門，而得自在；
	南	普稱滿天，	於眾生色、如來色身諸功德力清淨法門，而得自在；
	西	慈眼天，	於平等慈雲蔭覆法門，而得自在；
	北	寶光稱天，	於眾光色具足念佛普勢法門，而得自在；
	東北	樂喜髻天，	於觀眾生業報法門，而得自在；
	東南	樂念淨天，	於諸佛國具淨法門，而得自在；
	西南	須彌勝音天，	於觀世間生滅法門，而得自在；
	西北	念智慧天，	於起當來菩薩諸行化眾生因超念法門，而得自在；
	下	淨華光天，	於一切天娛樂法門，而得自在；
	上	慧日眼天，	於諸天處教化流通善根法門，而得自在。
上首說頌		爾時，釋提桓因承佛神力，遍觀三十三天眾，以偈頌曰：	
上首眾所說偈讚	佛	若念一切三世佛，廣能觀察佛境界，諸佛國土成敗事，以佛神力皆悉見，	
	法	佛身清淨滿十方，妙色無比應一切，光明照耀最殊特，具足廣稱如是見，	
	僧	本修方便大慈海，充滿一切諸眾生，悉能調伏一切眾，開清淨眼見無極，	
	精進	念佛功德無量故，得生廣大歡喜心，世間無與如來等，離垢稱王住法門，	
	禪定	清淨業海滿眾生，一切悉見無有餘，種種因起深廣福，如是善見猶滿月，	
	般若	諸佛充滿遍十方，一切眾生無不見，既得見已悉調伏，皆得無上方便念，	
	方便	如來智身明淨眼，周遍一切十方刹，悉令眾生皆觀見，妙音宣化無不解，	
	願	佛一毛孔現眾行，佛子見已具修習，具足成就無量德，如是善慧猶滿月，	
	力	一切眾生得悅樂，皆因如來神力生，如來無量功德故，是名無垢雜華門，	
	智	若能須臾念如來，乃至一念功德力，永得遠離眾惡趣，智慧日光滅癡闇。	



附1-4：華嚴經世間淨眼品之圍遶眾所得法門及說偈之八

類別	十方	圍遶別眾	所得法門
日光天子	東	復有日光天子，	於照十方諸眾生身盡未來際正住莊嚴法門，而得自在；
	南	眼焰光天，	於照諸色無上智海法門，而得自在；
	西	須彌光天，	於起眾生轉勝清淨功德法門，而得自在；
	北	淨寶月天，	於樂度一切苦行法門，而得自在；
	東北	勇猛不退天，	於無障礙普照法門，而得自在；
	東南	妙華光天，	於淨日光照眾生身法門，而得自在；
	西南	勝光天，	於光照世間積集功德法門，而得自在；
	西北	寶髻天，	於眾寶海現種種色境界法門，而得自在；
	下	明眼天，	於一切趣開清淨眼觀法界藏法門，而得自在；
	上	勝地天，	於諸眾生淨乘法門，而得自在。
上首說頌		爾時，日光天子承佛神力，遍觀日天子眾，以偈頌曰：	
上首眾所說偈讚	佛	佛慧光明無邊際，普照十方無量土，令一切眾面觀佛，種種方便化眾生。	
	法	眾生大海廣無量，悉能具足知其心，開發眾生智慧海，善勝光明如是見。	
	僧	如來普為出興世，遍照十方悉無餘，如來法身無等等，以無上智演說法。	
	精進	無數劫海諸有中，難行苦行為眾生，是故淨光如虛空，妙身顯現猶滿月。	
	禪定	佛演妙音無障礙，周遍十方悉無餘，分別廣演一切法，因緣方便具足說。	
	般若	放大光明不思議，十方世界悉明淨，令人歡喜發道意，是名莊嚴勝法門。	
	方便	一切世間諸光明，不及佛身一毛光，佛光微妙難思議，最勝能現此神變。	
	願	一切諸佛法如是，各坐十方道樹下，為眾分別道非道，清淨妙眼如是見。	
	力	癡冥眾生盲無目，為斯苦類開淨眼，為彼示現智慧燈，得見如來清淨身。	
	智	方便自在無倒惑，悉應堪受一切供，漸教開示解脫道，是名淨眼方便地。	
		於一法門說無邊，無數劫中廣敷演，分別深遠清淨義，是名周遍妙法門。	
類別	十方	圍遶別眾	所得法門
月天子	東	復有月天子，	於調伏眾生普照法界法門，而得自在；
	南	耀華天，	於普觀攝一切諸法境界法門，而得自在；
	西	勝光莊嚴天，	於諸眾生心海境界皆悉令轉法門，而得自在；
	北	雜樂世間天，	於能生一切不可思議愛樂法門，而得自在；
	東北	眼光天，	於令眾生實見法門，而得自在；
	東南	現淨光天，	於大慈悲救護一切苦惱眾生法門，而得自在；
	西南	普遊靜光天，	於無癡淨月法門，而得自在；
	西北	妙莊嚴天，	於觀諸法如幻如化空無法門，而得自在；
	下	淨菩提天，	於善解一切業行所起法門，而得自在；
	上	大光焰天，	於滅諸天疑照度法門，而得自在。

附1-4：華嚴經世間淨眼品之圍遶眾所得法門及說偈之九

上首說頌		爾時，月天子承佛神力，遍觀月天子眾，以偈頌曰：	
上首眾所說偈讚	佛	普於眾生放大光，十方國土見如來，照除一切愚癡闇，明了不可思議法。	
	法	佛界無邊不可盡，無量劫中集功德，種種方便妙法門，調伏一切眾生類。	
	僧	如來智慧甚深遠，知他無量諸心海，隨順為轉淨法輪，令生無量歡喜心。	
	精進		
	禪定	眾生遠離賢聖樂，沒在世間無量苦，佛與斯等清淨法，心得悅樂安隱住。	
	般若	如來普放大光明，分別世間諸法相，罪福報應不敗亡，清淨光天如是見。	
	方便		
	願	佛是一切眾生地，能持無量善果報，悉令眾生離邪道，善能安立方便地。	
	力	大慈悲雲靡不覆，佛身難思等眾生，普雨法雨潤一切，是佛第一上方便。	
	智	一切有無性如空，佛是眾生大光明，常勤方便利一切，最勝清淨如是見。	
類別	十方	圍遶別眾	所得法門
乾闥婆	東	復有持國乾闥婆王，	於攝一切眾生娛樂方便法門，而得自在；
	南	樂樹光乾闥婆，	於佛功德莊嚴法門，而得自在；
	西	起淨眼乾闥婆，	於眾生離憂喜法門，而得自在；
	北	華樹乾闥婆，	於滅結使法門，而得自在；
	東北	樂遊行乾闥婆，	於調伏希望法門，而得自在；
	東南	妙眼乾闥婆，	於一切樂喜光藏正住法門，而得自在；
	西南	師子幢乾闥婆，	於一切方雨寶法門，而得自在；
	西北	寶光解脫乾闥婆，	於現一切妙身廣智法門，而得自在；
	下	金剛樹乾闥婆，	於長養諸樹喜光法門，而得自在；
	上	現諸莊嚴乾闥婆，	於一切佛諸境界行悉令眾生受樂法門，而得自在。
上首說頌		爾時，持國乾闥婆王承佛神力，遍觀乾闥婆眾，以偈頌曰：	
上首眾所說偈讚	佛	如來境界無量門，一切眾生莫能思，世尊清淨如虛空，開示眾生見正道。	
	法	如來無量功德海，一一毛孔悉得見，能令一切隨意樂，清淨悅樂如是見。	
	僧	眾生無量憂苦海，佛能除滅悉無餘，佛以大慈多方便，能開眾生清淨眼。	
	精進	諸佛刹海滿十方，如來光明悉遍照，能除眾生煩惱垢，演說甚深清淨法。	
	禪定	佛於無量諸劫海，方便廣修淨國土，以一切智無上音，安慰無邊眾生類。	
	般若	樂見如來普清淨，眾生悉得無盡樂，隨順能起解脫因，得解脫冠心歡喜。	
	方便	愚癡障蓋甚堅固，眾生輪轉生死海，如來示現廣大法，演說清淨建法幢。	
	願	一切眾生無量門，如來為現種種形，多方便門照眾生，愛音如來如是現。	
	力	如來方便無邊際，善逝具足廣開現，入最勝道方便行，金剛樹下成正覺。	
	智	以無量劫為一念，佛力能現亦不積，能與眾生一切樂，是名樂見方便門。	

附1-4：華嚴經世間淨眼品之圍遶眾所得法門及說偈之十

類別	十方	圍遶別眾	所得法門
鳩槃荼	東	復有毘樓勒鳩槃荼王，	於能滅一切鬭諍法門，而得自在；
	南	長燈照光鳩槃荼，	於一切行現前法門，而得自在；
	西	善修幢鳩槃荼，	於專正諸趣法門，而得自在；
	北	饒益諸行鳩槃荼，	於善惡平等清淨法門，而得自在；
	東北	除恐怖鳩槃荼，	於一切眾生無畏安隱莊嚴法門，而得自在；
	東南	淨娑羅林鳩槃荼，	於除滅無量眾生愛海熾然法門，而得自在；
	西南	起須彌鳩槃荼，	於一切趣照明雲法門，而得自在；
	西北	常勤鳩槃荼，	於普照法門，而得自在；
	下	無量淨眼鳩槃荼，	於起不退轉大慈藏法門，而得自在；
	上	無量門鳩槃荼，	於起一切趣所作法門，而得自在。
上首說頌		爾時，毘樓勒鳩槃荼王承佛神力，遍觀鳩槃荼眾，以偈頌曰：	
上首眾所說偈讚	佛	如來忍力成滿足，無量劫行為眾生，離放逸慢諸煩惱，故佛身淨照十方。	
	法	昔行菩薩諸行海，調伏十方無量眾，種種方便起慈門，令眾生得一切智。	
	僧	如來智慧濟群生，悉分別知眾生心，無量自在調眾生，一切見者皆歡喜。	
	精進	佛神力境難思議，於當來世一切劫，轉實法輪猶虛空，無量眾生得淨眼。	
	禪定	眾生癡垢翳心目，如來照除見正道，救濟永離無量苦，令無恐怖得淨智。	
	般若	眾生沒在愛苦海，如來智照滅無餘，離欲無垢見佛身，猶如寶樹悉清淨。	
	方便	佛身普應無不見，種種方便化眾生，音如雷震雨法雨，是名山王慧法門。	
	願	佛光無垢最清淨，照除眾生癡冥山，顯現如來無量德，無癡方便見佛身。	
	力	無量劫修大悲門，悉與眾生自在樂，種種方便滅眾苦，離垢清淨如華敷。	
	智	最勝現身悉周遍，於十方界無去來，自覺大聖一切現，是無量門佛能見。	
類別	十方	圍遶別眾	所得法門
龍王	東	復有毘樓波叉龍王，	於一切龍趣中除滅熾然恐怖救濟法門，而得自在；
	南	海龍王，	於一念中能轉一切不可思議龍身法門，而得自在；
	西	雲樂妙幢龍，	於一切有趣轉清淨輪聞聲法門，而得自在；
	北	須彌普幢龍，	於一切眾生示大功德海法門，而得自在；
	東北	德叉伽龍，	於離恐怖清淨法門，而得自在；
	東南	無量步龍，	於示現一切眾生無量雲、超度無量劫、住壽法門，而得自在；
	西南	焰眼善住龍，	於安立一切世界分別無量佛法示現方便法門，而得自在；
	西北	離垢勢色龍，	於一切眾生離垢、歡喜、知足入方便法門，而得自在；
	下	普行廣聖龍，	於一切善惡音聲具滿平等觀法門，而得自在；
	上	阿那婆達多龍王，	於大悲雲蔭覆一切眾生離苦法門，而得自在。

附1-4：華嚴經世間淨眼品之圍遶眾所得法門及說偈之十一

上首說頌		爾時，毘樓波叉龍王承佛神力，遍觀龍眾，以偈頌曰：	
上首眾所說偈讚	佛	觀見一切最勝法，救濟十方群生類，惡趣眾生常輪轉，以大悲力能濟拔。	
	法	隨諸眾生所樂色，佛一毛孔皆悉現，神足境界無有量，佛功德海清淨現。	
	僧	最勝妙法無限量，譬如大海深無底，隨其所樂令得聞，妙聲柔軟發雷音。	
	精進	一切眾生瞋恚心，蔭蓋障覆愚癡海，如來無上大慈悲，以神足力度脫之。	
	禪定	於如來身一毛孔，眾生功德皆悉現，入深無量功德海，須彌山幢功德現。	
	般若	眾生種種恐怖苦，法王智光悉救濟，最勝毛孔演妙音，無量眾生開淨眼。	
	方便	十方三世諸如來，於佛身中現色像，無量劫中淨佛土，是名無上大龍地。	
	願	佛一毛中皆悉現，無量神變莊嚴土，佛與眷屬圍遶坐，為眾生說微妙法。	
	力	佛為菩薩求道時，恭敬供養諸佛海，種種無量方便門，度脫一切眾生海。	
	智	如來演說正法時，充滿一切眾生樂，佛音能起歡悅心，普令眾生得法喜。	
類別	十方	圍遶別眾	所得法門
夜叉	東	復有毘沙門夜叉王，	於平等觀方便離一切惡饒益眾生法門，而得自在；
	南	音主夜叉，	於一切普勝法門，而得自在；
	西	持地夜叉，	於能除奪眾生精氣、長養一切生氣法門，而得自在；
	北		
	東北	一切主夜叉，	於觀一切聖功德法門，而得自在；
	東南	勝眼神足夜叉，	於觀一切眾生智慧法門，而得自在；
	西南	堅固金剛眼夜叉，	於與一切眾生安樂法門，而得自在；
	西北	護命夜叉，	於持力救濟法門，而得自在；
	下	能破須彌山夜叉，	於起隨順佛力法門，而得自在。
	上		
上首說頌		爾時，毘沙門夜叉王承佛神力，遍觀夜叉眾，以偈頌曰：	
上首眾所說偈讚	佛	眾生罪垢甚深重，於百千劫不見佛，輪轉生死受眾苦，為度是等佛興世。	
	法	佛為救濟一切故，悉現十方眾生前，拔濟諸趣眾苦輪，因緣音主最方便。	
	僧	眾生重罪惡業障，佛以方便悉除滅，安立眾生正法中，是名離癡方便見。	
	精進		
	禪定	佛昔無量劫行時，讚歎十方一切佛，故有高遠大名稱，皆悉普聞十方國。	
	般若	佛慧無邊等虛空，如來法身不思議，故能顯現照十方，明淨眼王妙法門。	
	方便	一切眾生入邪徑，佛示正道難思議，見諸眾生堪受化，種種方便令調伏。	
	願	一切眾生諸功德，不及如來一光福，佛智慧海不可議，是名寶王如是見。	
	力	無量劫數難思議，佛於是中修十力，是故世尊力具足，一切世間無能壞。	
	智		

附1-4：華嚴經世間淨眼品之圍遶眾所得法門及說偈之十二

類別	十方	圍遶別眾	所得法門
金剛力士	東	復有金剛眼照力士，	於示現如來無量色像法門，而得自在；
	南	離垢日踊力士，	於諸佛無量色法門，而得自在；
	西	須彌華光力士，	於離垢自在種種現法門，而得自在；
	北	淨雲音力士，	於如來無邊淨音不可量法門，而得自在；
	東北	阿修羅主力士，	於一切示現種種法門，而得自在；
	東南	金剛光樂力士，	於入一切佛法無餘法門，而得自在；
	西南	雷音力士，	於能舉一切諸天法門，而得自在；
	西北	師子端嚴王力士，	於如來功德廣照法門，而得自在；
	下	勝光明力士，	於除滅眾生惡心安立佛境法門，而得自在；
	上	珠髻華光力士，	於菩薩示現一切世間雨寶法門，而得自在。
上首說頌		爾時，金剛眼照力士承佛神力，遍觀力士眾，以偈頌曰：	
上首眾所說偈讚	佛	普為三界一切眾，於諸法中為法王，具足無量眾妙色，悉照十方無不明。	
	法	佛身一切諸毛孔，普放光明不可議，映蔽一切日光明，遍照十方靡不周。	
	僧	如來大聖自在力，充滿一切諸法界，法身示現無涯際，悉現一切眾生前。	
	精進	佛音清淨甚深妙，普震十方諸世界，柔軟微妙和雅音，滅眾生垢願滿足。	
	禪定	十方三界諸宮殿，最勝悉現於彼坐，一一佛所無量眾，導師處中為說法。	
	般若	法海無量無有邊，眾方便門悉入中，分別一切諸法界，最勝示現無窮盡。	
	方便	眾生大海無邊際，最勝淨眼能度脫，如來光明照眾生，一切普見大導師。	
	願	悉皆恭敬興供養，無量塵海國土佛，功德無量如虛空，一切悉見大導師。	
	力	如來神力不可壞，一切佛土皆悉現，如來安坐淨道場，一切眾生現前見。	
	智	光明普照如雲興，眾妙莊嚴光圓滿，普照一切諸法界，示現諸佛深妙法。	

(返回第1頁)

## 附1-5：華嚴經世間淨眼品之普賢菩薩十解脫門及說偈

普賢解脫門		是時，普賢菩薩成就不可思議方便法門海、能入如來無量功德海。所謂：
普賢菩薩得十解脫門 (涅槃十波羅蜜)	佛	出生究竟淨諸佛土調伏眾生法門；
	法	詣諸佛所能起一切具足功德法門；
	僧	菩薩諸地願行法門；
	精進	普門示現法界塵數身雲法門；
	禪定	持諸佛土不可思議方便輪法門；
	般若	一切眾中自在顯現無量無邊菩薩境界法門；
	方便	於一念中知三世劫生滅法門；
	願	分別顯現一切菩薩諸根境界海法門；
	力	其身自在充滿無量無邊法界法門；
	智	一切菩薩種種方便廣分別法入一切智方便法門。
普賢菩薩說頌		爾時，普賢菩薩遍觀一切大眾，以偈頌曰：
涅槃十波羅蜜偈頌	佛	最勝嚴淨，無數佛土，無量淨色，甚深功德。
		真淨離垢，佛子充滿，常聞妙法，不思議音。
	法	見佛處此，師子座上，一切塵中，亦復如是。
		而如來身，亦不往彼，普現佛土，功德境界，
	僧	悉入無量，諸地方便，佛示一切，諸菩薩行，
		說諸方便，不可思議。令諸佛子，入淨法界，
	精進	離垢淨眼，住深法性。十方無量，無有邊際，
		微塵數等，諸化佛身，教導無量，眾生等類。
	禪定	一切十方，如來刹土，世尊皆悉，為平等護。
		佛於方便，悉已清淨，調伏眾生，令除垢穢。
	般若	一切塵數，諸佛國土，如來示現，無量自在。
		梵音和雅，遍諸道場，演暢最勝，菩薩本行。
	方便	一切三世，所有劫數，於念念中，悉見無餘。
		觀彼生滅，如實法相，不可思議，世護能見，
	願	無量大眾，數不可盡。如來真子，欲觀佛地，
		一切法門，無量無邊，非諸佛子，所有境界。
	力	離垢如來，猶如虛空，清淨無著，等真法性。
		現化無量，不可窮盡，悉坐道樹，成等正覺。
	智	佛以一言，說一切地，一切法相，皆悉窮盡。
		無量方便，一一門中，演暢諸法，亦悉無餘。

(返回第1頁)

# 附1-8：華嚴經世間淨眼品之如來莊嚴具中所生菩薩說偈頌

如來師子座出十種菩薩		爾時，於佛師子之座，一切妙華摩尼寶輪高臺樓觀莊嚴具中，一一各出一佛世界微塵數等大菩薩眾，其名曰：海慧超越菩薩、無量師子吼菩薩、眾寶光幢菩薩、智日超慧菩薩、不思議功德智稱菩薩、方便寂靜妙華髻菩薩、金光焰菩薩、法界普音菩薩、淨雲月幢菩薩、善超淨光菩薩，
菩薩各興十種供養雲		如是等一一佛世界微塵數等大菩薩眾，設諸供養，散眾妙華，充滿虛空，燒諸雜香，氣過騰雲，普現一切眾寶圓光；又放無量淨日光明，作眾妓樂諸微妙音，雜種寶樹枝葉華實，一切光明猶若雲起，雨無量寶，
菩薩成就十波羅蜜廣大如海		如是一一菩薩所供養具，各與一佛世界微塵數等；一一供具，復與一佛世界微塵數等，皆大歡喜，供養世尊，遶百千匝已，隨其所應供養大眾，猶如雲雨而無斷絕，隨所出方，化作寶蓮華藏師子之座，恭敬向佛結跏趺坐。 彼菩薩等，悉得無量清淨法海普明法門，於佛境界無所障礙，悉入一切辯才法海；又得不可思議照明法門，正住如來普門境界，三世智地皆已得入，具足成就大力法愛，無量功德清淨圓滿，常行法界畢竟空性，悉已具足供養諸佛。
菩薩說頌		爾時，一切海慧自在智明王菩薩，以偈頌曰：
東方——大圓鏡智	佛	佛覺諸法，平等真實，無有障礙，淨如虛空。
		普悉照明，十方世界，處一切眾，最勝殊特。
	法	自然正覺，無量無邊，充滿十方，眾生境界。
		一切悉坐，菩提樹王，諸眾生主，皆悉圍遶。
	僧	佛有如是，自在神力，於一念頃，現無量身，
		普令眾生，滅除垢穢。如來境界，無有邊際，
	精進	無量劫海，具足修行。如來處在，一切有海，
		種種方便，調伏眾生。皆悉受行，最勝正法，
	禪定	眾會離垢，普得清淨。一切觀佛，深樂無厭，
		最勝妙相，莊嚴具足，處蓮華藏，寶師子座，
	般若	一切眾寶，諸莊嚴具。皆出無量，微妙香熏，
		雜色華鬘，懸布虛空。佛處如是，寶師子座，
	方便	無量眾寶，流出妙光，暉焰清淨，十方明耀。
		如來安住，莊嚴樓觀，演出清淨，微密梵音，
	願	宣暢最勝，無上正法。聞者歡喜，得淨妙道，
		金剛承座，安峙堅固，如意藏寶，以為莊嚴。
力	寶髻菩薩，常守護之。世尊於此，普現照明。	
	天尊處在，寶師子座，遍照三世，一切導師。	
智	無量化佛，遍滿十方，闡揚如來，無盡法藏。	

(返回第1頁)